

Osphranteria Redt.

nov. gen. e fam. Cerambyc.

Mandibulae rectae, apice parum incurvae, margine interno edentato. Maxillæ mala interna brevi, barbata, externa longissima, cornea, mandibulas superante, apice penicillata, palpis labialibus multo minoribus, filiformibus, quadriarticulatis: articulo primo longo, secundo tertioque brevibus, transversis, quarto duobus precedentibus paulo longiore, apice obtuso. Labium mento corneo, semi-rotundato, ligula profunde emarginata, apice longe barbata, palpis magnis, triarticulatis, articulo secundo tertioque longitudine sere equalibus, hoc apice dilatato, oblique truncato. Antennæ 11-articulatae, corporis longitudo, articulis cylindricis, secundo brevissimo, tertio longissimo. Thorax longitudine parum latior, lateribus rotundatus non, aut obsolete uni-tuberculatus, disco convexo, æquali. Scutellum acute triangulare. Elytra latitudine baseos quadruplo longiora, apicem versus sensim angustata, apice singulatim rotundata. Pedes simplices, femoribus anticis parum clavatis, posticis elytrorum apicem vix longitudine superantibus. —

28. *Osphranteria suaveolens*. Redt. Capite thoraceque rufobrunneis, fortiter rugoso-punctatis, elytris subtiliter densissimeque punctatis, lineis duabus subelevatis, holosericeis, rufo-testaceis; pedibus brunneis, femoribus posterioribus fuscis; antennis rufotestaceis. Long. 12"

Genus hocce ab affini genere Aromia, mandibulis edentatis, maxillarum structura, mento semirotundato, thorace supra æquali, lateribus vix tuberculatis bene distinguendum.

29. *Osphranteria coeruleascens*. Redt. Nigro-coerulea, elytris subtiliter, capite thoraceque fortiter rugoso-punctatis, corpore subtus argenteo-holosericeo. Long. 8" — 10"

Mandibulis edentatis, thoracis, corporis, pedumque structura cum Osp. graveolenti convenit, sed maxillarum mala externa articuloque primo palporum discedit.

30. *Leptura bicolor*. Redt. Nigra, pilosa, capite dense thorace parcus punctato, canaliculato, nitidulo; elytris apice truncatis, vase punctatis nitidis, pilis brevibus flavis vestitis, rufo-testaceis. Long. 8"

Corporis partium structura seminae Lept. unipunctatae simillima, sed major, elytris unicoloribus apice truncatis non rotundatis facile distinguenda.

31. *Galleruca quadrimaculata*. Redt. Antennæ sub 12- articulatae: articulo secundo minuto, tertio quartoque longis, æqualibus ultimo appendice articuliformi aucto; nigra, fortiter punctata; thorace transverso, postice rotundato, supra late canaliculato, foveolaque lata, profunda utrimque impresso; elytris luride-viridibus, macula axillari alteraque apicali flavis notatis. — Long. 2 ¾"

32. *Galleruca nigriventris*. Redt. Flavo-testacea, oculis, pectore abdomineque nigris aut piceis, ano rufescente; antennis articulo primo magno, secundo minuto, tertio quarto longitudine æquali sequentibus paulo longiore; thorace transverso, postice angustato, undique marginato, in medio transverse biarcuatim impresso; impressione in medio latiore atque profundiore; elytris subtilissime punctulatis; pectore abdomineque sericeis. Long. 3"

Raphidopalpa foveicollis? Dejean cat. des col.

33. *Colaphus tibialis*. Redt. Aeneus vel viridis vel coeruleus, fortiter punctatus; elytris transversim profunde rugoso-punctatis; antennarum basi elytrorum summa apice, tibiis tarsisque flavo-testaceis. Long. 1 ¾"

Colaph. Sophiae similis sed minor, elytris apice minus acuminatis, transversim rugosis, distinctus. —